

**NOW!! FOR COOLNESS AIRCONDITIONING**  
Tel. 2170  
**ELMA**

**Crush**

**Diario pa Aruba**

**COCA-COLA MORE FOR YOU!**

**SWIFT CORNED BEEF**  
gusta pa grandi y chikito den tur cas, pa su calidad y su bon smaak.  
**WIMCO**

## GEZAGHEBBER HENRIQUEZ LO PLANTA DI MIL MATA PA REPOBLACION FORESTAL

**ORANJESTAD, 27 nov.** — Durante un conferencia cu prensa y radio ayera mainta na oficina di Servicio Informativo di Gobierno, Dr. E.J. van der Kuip, hefe di servicio veterinario, cual servicio ta parti den agricultura, cuida di bestia y trahamento di dam, a duna un informacion di e esfuerzonan cu ta worde haci pa duna nos isla un bista berde, bonita y yen di mata. Esaki ta worde haci pa medio di un programa cual ta worde endica cu e nomber „re poblacion forestal di Aruba“ y pa cual proyecto e gobierno di territorio insular a pone ariba begroting un suma pa cubri e gastonan involvi cu esaki.

E proyecto di „re poblacion forestal“ di nos isla a worde cuminsa na Januari 1962 na un escala chikito. Na e momento tin dos peon y un experto Arubano, e hoben S.M. Vrolijk, kende a hanja su diploma na School di agricultura Tropical na Hulanda, kendenan ta trahando ariba e proyecto aki.

### Pakiko repoblacion forestal?

Durante e encuentro cu prensa dr. V/d Kuip a trase diferente puntonan adicinal pakiko e programa aki a worde traha y kiko e intencionnan cu esaki ta. Na promer lugar el a muestra cu e isla a perde casi tur su buntiaza na matanan den naturaleza, door cu hopi hende a laga saca matanan for di den nan oñunucun cu e intencion di plant'e esaki, pero despues di algun tempo nan no ta haci nada mas den e area y ta laga esaki pa su cuenta. Hopi biaha ta worde bisa cu ta e cabritonan ta causa cu e matanan berde ta desparece for di suela

di nos isla, pero esaki mas parti ta worde causa pa e hendenan mes. E segundo punto ariba e programa ta cu el a worde traha como cu e isla ta seco y sin mata. Di tres punto, si e tabata berde e tabata mas atractive pa turismo. Di cuater punto, ora cu tin mas mata, e awa cu casi ta worde wanta y no ta corre na gran cantidad pa lamar manera cu ta sosode awor. Esaki ta yuda e ora pa wanta tur e stof cu den tempo di sequia a bala y ta susha den cas, panja y hende. Y den tempo di awacero e matanan ta perea pa e awa no corre na gran cantidad door di e callanan y drenan tin biaha kibra cas di hende. Tur esaki por worde evita si Aruba tabatin mas mata ariba su suela.

### Desde 1880

Segun informacion cu e hefe di Servicio Veterinario a duna, semper „suco opiom e pesajoy uoyuyqodoo a dera como algo masha dificil. Desde ania 1880 tin un rapport cu ta trata ariba e asunto aki, pero cu a despare-

ce den e conocido „macho di lobida“. Esaki no a desparece sin mas, pero e tabatin su motibu. E problema di mas grandi cu a descurasha hosi hende cu a cuminsa cu studiamto di e repoblacion forestal aki tabata e cabritonan. E cabritonan semper a worde mira como un plaga cu ta ruina loka worde planta of cu ta creciendo. Pero awor senior V.d. Kuip a muestra cu apesar di cu e cabritonan ta forma un plaga pa e repoblacion forestal, sin embargo a worde comprobato cu matanan ta crece apesar di e cabritonan, es'a cu tin algun mata cu ta sobrevivi e hember di e bestinan aki. Pero tabata un di cada 1.000 mata cu nos por bisa cu tabata sobrevivi. Sin embargo door di un cierto medidanan y tambe medidanan contra di e cabritonan, por loora cu un for di cada 10 mata ta sobrevivi. Un ejemplo di esaki dr. Van der Kuip a duna di e promer plantacion di mata cu a tuma lugar cuminsamento di anja pasa na Jamanola. Ariba un cierto „fahanan“ a worde traha cu ta wanta e awa cu ta cai. E fahanan aki a worde traha na luna di Januari 1962, mientras cu simaninan di cierto matanan a worde planta den nochi. Na luna di mei 1962 poco promer cu tempo di yobida, e matanan chiquito a worde planta entre e fahanan. En total 150 mata a worde planta sin cu despues a hanja un gota di awa artificialmente mas. Menes cu senior Van der Kuip a splica; „nan a keda na nan cuenta, es cu sobrevivi a sobreviví“. E proyecto aki ta un proyecto na naturaleza hosi cu trabao. E cuminsamento ta worde nani y naturaleza tin di hosi resto. For di e 150 matanan aki, 100 di nan ta floreciendo mas o menos un cincuenta a worde comi pa cabrito of a muri. E medida cu a worde tuma contra di e cabritonan ta cu rond di cada mata un serea di cosnan bieuw, mata, palo, cadushi etc. a worde traha cu ta tene e cabritonan for di e matanan. E motibu pakiko e matanan ta worde planta poco promer cu yobida ta ora cu awa a cai tin mas verba asina cu e cabritonan no ta antoha asina lihe pa come e matanan jong ainda di manera cu nan tin chens pa crece. Y e matanan na Jamanola segun senior Van der Kuip, apesar cu nan no ta hanja ningun lek di awa for di pina, ta e matanan di mas berde den e be-

### Mas respect pa naturaleza

Un di e problemanan cu ta haci e repoblacion forestal di nos isla difidel tambe ta e manera cu cierto personanan ta tumba matanan abao pa un of otro motibu cu no ta necesario. Un ejemplo di esaki dr. Van der Kuip a duna di un hember kende a kap un „palo di silla“ y a kime, como cu tabatin un neishi di abeja den djé cu kizas un nei liber di honing. Pa e hanja e honing aki el a tumba e mata abao y kime completo. Un mata di 30 te 40 anja. Y asina segun sr. Van der Kuip na hopi lugarnan matanan ta worde gekap y tumba sin mester.

Pa e repoblacion forestal bira un éxito anto ta necesario pa e habitantenan di Aruba hanja mas respect pa e naturaleza di nan isla y no destrubí manera ta sosode awor. „Educacion publico tocante di esaki ta laga hopi di ‘desea ainda“, segun hefe di Servicio Veterinario.

### Cabrito mester mas balor.

Un di e motibunan pakiko e cabritonan ta forma un problema ainda pa e repoblacion forestal ta como cu nan no ta worde cuida cu asina haler. Pero segun informacion di e doctor, door di mezcla e raza di cabrito cu



Na Hapon e fiesta tradicional Shichigo-San un festiwal di mucha a tuma lugar atrobe. E mucha humber di cinco anja y mucha muhe di tres y shete anja ta bisti bunita pa un ceremonian den templo. E mayornan ta resa pa nan jiuana crece salud y bira civilnan bon. Riba e portret mucha muhenan Mericano y mucha hombernan Haponnan ta tene man despues di un bishita na e Meiji templo na Tokio.

## Johnson den Senado: MERCA lo cumpli cu su obligacionnan rond mundu

**WASHINGTON: 28 nov.** — E nacion aki lo cumpli cu su obligacionnan di Vietnam del Sur te Berlin Occidental, segun president Lyndon Johnson den e declaracion cu el a tene ayera den un sesion comun di camara Mericano di delegadonan y senado.

El a continua: „Pueblo Mericano a sufri un choque terribel. Ne momento critico aki ta nos deber, di abo y di ami, como tambe di gobierno Mericano, pa desv'ar tur mal parasmantu. Nos mester demostra cu nos ta e capaz di actua y cu e perdida cruel di nos lider lo no swak nos, pero cu e lo ta fortaleza pa nos gobierno. Nos mester y lo demostra cu nos lo por y kier actua y cu esaki lo sosode awor, segun presidente Johnson.

El a continua: „Esaki te momento di nos desafio. Nos no mester duda y keda para, nos no por mira atras y keda para ketu pa nos tempu di momento diabolico aki. Merca mester sigui marcha, asina cu nos por cumpli nos deber, cu destino a pone pa nos.

Riba terreno interno Johnson a declara: „Nos no por demostra un honor mas grandi ne memoria di presidente Kennedy, cu di aproba mas lihe posibel e ley na derechonan civil riba cua el a traha asina tantu. Na anja 1957 y na 1960 mi a bisti na acepta un ley riba derechonan civil, asina cu por kisa tur huelha di distincion y oprimicion a base di raza

**FATUM — Tel.: 1845**  
pa tur bo aseguradnan

**SAN NICOLAS NA CLUB CARIBE**  
ORANJESTAD, 28 nov. — E directiva di Club Caribe a hanja un carta for di San Nicolas den cual e ta avisa e miembronan di e club menciona cu Diadomingo dia 8 di december pa 10'or di mainta lo e haci un bishita na e club pa entrega regalacion personalmente na e miembronan chiquito. Tambe Zwart Piet lo ta presente pa tuma encargo di e miembran cu durante e anja cu a pasa a comporta nan malo.

**MAS GRADUADO NA ARUBAANSE MUZIEKSCHOOL**  
ORANJESTAD, 28 nov. — For di „Arubaanse Muziekschool“ nos a hanja un informacion cu tambe a pasa examen cu bon éxito Anneke Jongeward pa e diploma di acordeon A y Hugo Schmidt pa diploma Gitaar-A. E alumnonan aki y tur esnan cu a haci nan examen ariba dia 15 y 22 di juli ultimo ta worde spera cu nan majornan Diabierna venidero pa 6'or y mei den Centro Cultural caminda e diplomanan lo worde entrega.

**PARKER 45 ARROW VULPEN**  
Parker 45 Arrow Vulpen f. 6.—  
Parker 45 Arrow Ballpoint f. 2.50  
Parker 45 Arrow Ballpoint f. 2.50  
Tuma inki foi e potchi di inki usando e boton di primi pa jen'e  
of skirbi cu un inki-patruon te 10.000 palabran.  
**PALAIS ROYAL ARUBA N.V. TUR LIBRERIA**

**ARUBA AMATEUR RADIO CLUB TA DUNA CERTIFICADO „ARUBA ARIBA“**  
ORANJESTAD, 28 november. — Aruba Amateur Radio Club (AARC) ta dunando un certificado na tur radiomateurnan tur parti di mundo, asina cu nan tabatin centae cu 3 miembro di Aruba Amateur Radio Club desnes di promer di Januari 1963. Esaki ta un hunta certificado cu un portret di Aruba den centro, e bandera Antillana na un banda y e emblema di AARC na e otro banda.

Den e magazine na Radiomateur „C.O.“ a sali un articulo cu un portret di e certificado menciona. Den e articulo ta worde informa con e certificado atractivo aki por ser hanja. Door di e medio aki „Aruba Amateur Radio Club“ no unicamente ta duna e club aki un fama internacional, pero Aruba en general tambe lo worde conoci y apreciá mas den tur „cina di mundo“. Te awor aki 29 certificado a worde duna na mateurnan rond di mundo. Durante luna di november e certificado di „Aruba Ariba“ a worde manda pa e siguiente personanan:

Justo Carlos Naon, A.S. (Venezuela); Juan A. Hernandez de Mendoza, Cuba; Blonca T. Monzo, Venezuela; H. W. Green, Surinam; Jack Edgar, Florida (E.U.); Sire Pierre, Louisiana (E.U.); Paul E. Maney, Evansville, Indiana (E.U.); S. J. Heeringa, Beatrix Airport, Aruba.

### ENCUENTRO DI BRIDGE ARIIBA — CORSO

ORANJESTAD, 27 nov. — Despues di e competicja pa campeon di bridge 4 persona di Aruba, na unda a sali campeon e cuadria pareha Zonjic y pareha Bosman cu 14 punto na labor y 4 contra y na di dos lugar pareha Groters y pareha Dijkhout cu 9 punto na labor y 9 contra, lo tin Diadomingo y Diadomingo venidero den Centro Cultural un encuentro di e cuadria campeon di Aruba y e cuadria campeon di Corsos, forma pa e damanan Kock, Bonpers y e caballeronan Vogel y Pasman. Diadomingo despues di e encuentronan e directiva di e club di bridge „Aruba Ariba“ lo duna un diner na Olde Molen.

**FEUDOR**


LIGHTER DI GAS PA SOLAMENTE... F. 5,40 UN REGALO IDEALI

**SPRITZER + FUHRMANN**

UNDA SERVICIO TA BO GARANTIA

ARUBA - BONAIRE - CURACAO - ST. MAARTEN - NEW YORK

HUMA UN CIGARIA VERDADERO HUMA UN CAMEL FAVORITO DI ARUBA



tin aकिनan cu un raza di balor manera loka ta worde haci awor; cu e raza di cabrito di Anglo-Nubian (cabrito) cu ta worde importa for di Merca y cu ta un mezcla di un raza Ingles y Africano), e donjanan di e cabritonan aki na Aruba e ora lo mira cu nan cabritonan tin mas balor y nan lo no laga nan camna na calla comiendo tur sushedad cu nan por hanja. E ora nan lo tin lechi fresco tambe, como cu e lechi di e cabritonan aki ta algo masha gusta. Pero esaki ta algo cu ta sosodiendo masha poco poco. Promer cu e hendenan cuminsa conoce e balor di nan cabritonan di raza lo dura basta anjanan ainda.

**E di mil mata**  
Mientras cu na mei anja pasa 150 mata a worde planta, ya ta asina leuw e biaha aki cu awe mainta pa 10'or di mainta Gezaghhebbber O. S. Henriquez lo bai planta e di 1.000 mata na Jamanola en consecion cu e programa di repoblacion forestal di Aruba. Pa e anja cu ta bini ya tin 1.500 mata cla na worde planta. Loka a worde planta den e programa di e anja cu a pasa tabata matanan crillo, pero awor e anja cu ta bini matanan di afor tambe lo worde planta. Matanan cu ta crece den e mes un circumstancianan cu esunnan na Aruba. Por ejemplo e mata cu lo worde planta awe na Gezaghhebbber lo ta un „irua“ for di Guajira. E motibu di plantamento di matanan di afor ta pa duna e forestal di Aruba un variacion mas grandi di matanan di naturaleza.

**DE VEER THEATER**  
ta presenta  
Awe nochi y majan anochi, 28 y 29 di november:  
HISTORIA DI BIDA Y MORTO TRAGICO DI PRESIDENT  
„JOHN F. KENNEDY“  
Na PRINCIPAL dia 29 y 30 di november  
Na SAVANETA Dia 1 y 2 di december.  
Oranan y entradasnan manera costumbr. — (18 anja pa riba.)

**COMPETITIE A.V.B.**  
Aweocih pa 7.30 den WILHELMINA STADION  
TRAPPERS vs. DEPORTIVO (A-Klasse)  
Entrada general f. 0.50 Mochu nular prijs

Dallas (Texas) 22 november 1963.....



E prome portretnan poco despues di e suceso tragico na Dallas, Texas, Riba e portret ariba por mira president y sra. Johnson consulando senjora Kennedy den e avion cu a transporta e compania di Dallas pa Washington.

E portret den centro ta muestra e momento cu e caha cu e restonan mortal di Kennedy ta jega Washington for di Dallas. Tras di e caha por mira sra. Kennedy-Bouvier y su swa Robert Kennedy.

Riba e portret mas abao e senador Mericano Ralph Yarborough, na joramento ta sali for di hospital di Dallas despues cu el a ten de cu Kennedy a muri.



DOS BALA A HERIDA JOHN KENNEDY MORTALMENTE

DALLAS, 28 nov. — E dacter cu a trata president Kennedy diabierna ultimo den hospital Parkland na Dallas, dr. Kema Clark, a declara cu e president a wordu herida pa das bala, cual heridanan ambos por tabatin morto como consecuencia.

Un bala a herida Kennedy riba su konopi di dashi, a dreña su curpa y a keda pega den su pechu. Segun dr. Clark, E segundo bala a heridela na e parti drechi di su cabes, un herida cu tabata fatal. Pero tambe e prome bala por a causa morto, segun e docter.

Nan ta supone, cu e bala cu nan a hanja riba e brancard cu cual nan a transporta president pa hospital ta hini di e di dos tiro.

E di tres bala a wordu hanja den e auto presidencial, y nan ta hanja posibel cu ta e bala aki a herida gobernador Connally.

Ambtenuernan di e oficina di procurador general na Dallas a participa cu e experionan a stipula cu tur tres tiro ta hini di e scopet cu polis a hanja den e deposito di boeki. Riba e scopet tabatin fingerprints di Oswald.

E Austriaco Hubert Hammerer, campeón Olimpico „vrij geweer“, no ta

hanja probable, cu e balanan cu a herida president Kennedy mortalmente y cu a herida gobernador Connally ta lansa pa un solo homber.

El a bisa periodista nan cu si e asesino a usa e tipo di scopet, cu nan a insinua e ora ey e mester a charge despues di cada tiro. Pero e ta hanja un poco imposibel pa si ta usina lansa tres tiro den 5 segundo.

Un funcionario di „U.S. National Rifle Association“, Leonard Davis, ta di opinion, cu ta imposibel pa los tres tiro den e caso di e tipo di scopet cu nan a insinua den cinco segundo. Pero si ta usina un pistolero afama a actua cu e arma, Leonard Davis, ta hanja, cu Oswald cu ta culpa di morto di president Kennedy, no por wordu considera un pistolero solamente a base di su servicio cerca marina Mericano. Funcionarianan di e oficina di oficial di husticia na Dallas a bisa, cu experionan a stipula, cu tur e tres tiro nan ta lansa di e scopet cu polis a hanja y riba cual tin fingerprints di Oswald. E funcionario menciona a bisa ultimamente, cu nan no a haci ningun calculacion exacto di e tempo pa los tres tiro.

SAADI NA ATHENA

ATENAS, 28 november. — Ali Saleh Al Saadi, e vice-promer minister di Irak cu nan a baha, awe mainta a yega Atenas cu un avion Iljoesjin e charter. Saadi a bisa di ta di gamula



pa Zurich. 4 persona ta companjele: tempu na Suiza, pero nos lo mantene comunicacion cu nos amigonan di Siria, segun Saadi.

BRINGAMENTUNAN NA NOCRD BORNEO

DIAKARTA, 27 nov. — E dianan aki nan a mutu na e frontera entre Noord Borneo y Indonesia 45 militar Britanico y a colie tres presu, ora cu nan a cai den un emboscada di e rebel-cenan, segun Antara a anuncia.

E unidad Britanico tabata patrulla. Na varios otro luga tabatin tambe bringamentunan. Algun puesto di frontera a cai den man di guerrilleronan. Den un comunicado di e movimiento revolucionario cu a parti na Djakarta nan a anuncia cu e promer minister di Estados Unidos di Noord Borneo, Azahari, ta reemplasa pa general Abang Kilih como jefe di e consejo revolucionario.

Azahari lo keda promer minister. Anja pasa el a lanta contra gobierno di Borneo.

CAIDA DI EIFELTOREN

PARIS, 28 nov. — Un mucha muhe Frances di 20 anja for di Normandíe a muri door di caida di e prome plataforma di Eifeltoren. Esaki ta e di 326 victima cu a muri na e manera aki for di anja 1889 cu nan a construi e toren.

Advertisement for YABI paint, featuring the text 'YABI pa bo exito' and an image of a paint can.

Avisa den ARUBAANSE COURANT y compara e resultado

Advertisement for Valspar paint, mentioning 'ANTILLIAN MERCANTILE CORP.' and contact information.

Advertisement for PALAIS ORIENTAL clothing, featuring 'CAMISA' and 'GUAYABERA' items.

Advertisement for LIBERTY STORE, located at 'Pabau di Aruba Bank San Nic.'

Advertisement for ARUBA GAS SUPPLY, offering 'No spera te ora e gas caba completamente!'.

Advertisement for TA BUSCA PA HUUR, offering a house with 3 rooms for rent.

Advertisement for TA BENDE, listing various household items for sale.

Advertisement for TASS TA CRITICA POLIS DI DALLAS, discussing the assassination.

Advertisement for VUIDA DI OSWALD TA HANJA PROTECCION, offering protection services.

Advertisement for GUINNESS ta bon pa bo!! featuring an image of a Guinness bottle.

Advertisement for HEALTH FRESCAVENA, a refreshing beverage.

JOHNSON ta ricibi hefenan di exterior

WASHINGTON, 28 nov. — Canciller Erhard di Alemania Oriental ayera a combersa na Casa Blanca cu president Lyndon Johnson di Merca.

a dicidi pa tene contacto mas estrecho cu otro.

Tambe vice premier Mikojan di Union Sovietica a combersa ayera na Casa Blanca cu president Johnson.

Riba un pregunta si un conferencia eumbre entre Johnson y Chroesjef ta posibel, Mikojan a contesta cu e no a combersa especialmente tocante e asunto ey.

Si el a bisa cu e y Johnson ta di opinion cu e puntanan di bista di Merca y Union Sovietica den e sortonan di asunto ey ta keda mescos.

E bishita ey lo ta un bishita di trabao. Erhard a bisa tambe cu Alemania Occidental, pa loka ta tur su problema nan, ta conta completamente riba Merca y cu Merca di su parti por ta sigur cu Alemania Occidental lo cumpli cu su debernan.

E premier Ingles Sir Alec Douglas Home a combersa na Casa Blanca na Washington cu president Johnson di Merca. Despues di e combersacion sir Alec a bisa, cu Johnson y e lo bolbe topa otro anja. Ademas president Johnson di Merca y e premier Ingles

Large advertisement for SOUPER-DANSANT, featuring 'Prinses Wilhelmina Fonds' and a pool event.

CISCO-KID presenta pa cortesia di ARUBA BOTTLING COMPANY NESBITTS den varios sabor, e retresconan mas pidi y mas gusta na Aruba.

1. Esaki ta un maleficio! Bruha! Tur cos ta desgracia! 2. Mi ta bai, prome cu un cos pasa cu mi! Ami tambe, ja mi no ta confia. Boso warJa! 3. Boso ta reconoce cu Smith ta un bon patron y cu e ta paga boso bon! No lagele a wor, cu tin mester di boso mas tantu!



Advertisement for GETROUWD, a matrimonial agency listing 'Poscualino Morittu' and 'Carina Semeleer'.

Departement van Onderwijs

Examens MACHINESCHRIJVEN EN STENOGRAFIE (programma V.L.I.S.E.M.) te houden op Curaçao en Aruba in de maand december 1963

Kandidaten dienen zich vóór 3 december 1963 schriftelijk op te geven bij het Departement van Onderwijs, Curaçao onder overlegging van een uittreksel uit het geboorteregister of bewijs van inschrijving in het bevolkingsregister, vermelding van adres en gelijktijdige overmaking van het examengeld ad f. 7,50 (herexamen f. 3,75).

De Inspecteur van het Onderwijs, P. T. M. SPROCKEL

Empate cu San Nicolas Jrs a duna Aruba Jrs su promer punto

(Di nos redactor Deportivo)

E promer rond di e campeonato di futbol hoofdklasse a keda conclui cu e partido hunga diamars anochi entre e oncenanan di Aruba Jrs. y San Nicolas Jrs. Dia 25 di mei di e anja corriente e promer rond a cuminsa y pues el a dura exactamente seis luna, loke no ta exactamente rapido. Principalmente el a wordo interrumpi door di e campeonato Antiyano (cu te ainda no a wordo completá!), pero tambe door di algun otro ocasion cu tabata tin weganan internacjonal.

Comienzo di e segundo rond tabata anuncia pa diasabra awor entre Estrella y Juventud Millonarios, pero debi na e festividadnan cu tin den pueblo di Sta. Cruz, e encuentro aki a wordo cancela. Asina ta cu e promer wega di e segundo rond lo ta e encuentro entre R.C.A. y Dakota diamars awor.

E midimento di forza entre Aruba Jrs y San Nicolas no a tresa un decision cual ta mas duro ya cu e partido a termina taba cu dos gol pa banda. Cu e empate aki e muchanan hoben di Socotero a obtene nan promer punto den e actual campeonato. Nan seis salidanan ariba Wilhelminstadion promer cu esun di diamars anochi a resulta cada un den un derrota pa nan.

Elio Tromp cu tabata presente den Stadion a sustitui pa e arbitro senjala cu no a presenta pa asina e partido por wordo hunga tog.

Apenas tres minuit despues di e comienzo e muchanan di San Nicolas ta bai adilanti mediante un gol di rechtsbuiten Silvio Comenencia. Ariba un pase di Rosimbo Vrolijk, keeper Liberia di Aruba Jrs ta sali pa intercepta sin cu e ta logra keda cu

e bala. E alero drechi Comenencia ta hanja e bala y ta manda esaki den net pa e promer gol di wega y pone San Nicolas Jrs adilanti 1-0.

Aruba Jrs su delantaronan ta demostrando mas agresividad e anochi aki cu den nan partidonan anterior. Midvoor Donny de Wind den di 10 minuit ta pone bon pase pa su companjero riba aladrechí Karel Tromp, kende ta rush aden, pero no ta controla e cuero suficiente y ta perde sin logra un bon shot.

Cu hopi frecuencia Aruba Jrs ta tresa e bala riba e mitad di nan rivalnan. Half Pedro de Wind y back Monart ta haciendo bon trabao debolbiendo e avanzan di nan rivalnan pa pone nan propio delantaronan na trabao. Rechtsbuiten Karel Tromp ta pone keeper Jose Robles den accion ora cu e ta shot duro den gol. E habil portero di San Nicolas ta pomp den tereno.

Na e otro banda di tereno tambe ta wordo haci un rapido atake. Un shot duro di rechtsbuiten Comenencia ta wordo debolbi door di e portero Liberia.

E gol di San Nicolas Jrs ta den peligro serio den di 33 minuit. Midvoor Donny de Wind di Aruba Jrs ta provecha un plifa di un defensa contrario pa tuma e bala y haci rapido y largo pase pa su companjero Luty Bureson. Esaki ta avanza y ta hanja su mes so cu e portero Robles, kende ta sali pa intercepta. E shot di Bureson sin embargo ta sali na banda y un bon cheas a bai perdi.

A pesar di ta tiza diferente atake e muchanan di Aruba Jrs no ta logra anota un gol promer cu San Nicolas Jrs aumenan nan ventaha. Esaki ta sosode den di 25 minuit. For di ala robey ta surgi un pase pa Eddy Gomez, kende ta pone un shot directo y halto riba qual keeper Liberia ta reaccionar laat permitiendo e bala sigui su curso intenciona te den net. E scoreboard ta move atrobe y ta marca awor 2-0 pa San Nicolas. Falando apenas algun seconde pa e promer mitad di wega termina, Aruba Jrs ta anota su promer gol. Un voorzet skerpi di Donny de Wind ta wordo contra door di Luty Bureson pa

Cumpleanjos

Awe dia 28 di november ta cumpli 1 anja e chikiti Thelma Gregoria Rasmijn, felicitacion ta bini di su estimada mama Margriet, tata Isidoro rumen Meda, welonan Ewe y Clarita, Maria y Genaro Rasmijn, bisawelanan Petra Arends y Causilia Werleman, madrina Maria, padrino Roy de Kort, tanta Olga Schwengle y Aura Paesch y demas famia Werleman, Rasmijn, Schwengle y Paesch.

penetra e gol di Jose Robles. Score 2-1.

Segundo mitad ta tresa empate

E equiponan ta haci cada un un cambio den nan alineacion drentando Eddy Becker pa Aruba Jrs y Thode pa San Nicolas Jrs.

Un fortissimo shot di Nady Briezen den di 18 minuit ta rebota contra di pecho di keeper Liberia.

Contraatake di Aruba Jrs ta tresa otro momento interesante. Juan Kemp ta haci pase pa Luty Bureson, kende ta adelanta, domina e bala y pas'e over di cabez di e portero Robles, cu a sali pa trata di intercepta. Pero e bala ta sali net na banda. Diez tres minuit di e segundo tempo tabatin hunga ora cu e gol di empate ta wordo produci. For di e corner tuma door di Donny de Wind, Karel Tromp ta manda e bala den direccion di gol cu un boog. Un defensa di San Nicolas Jrs ta busca di kop e bala back den tereno pero ta mande exactamente den direccion contrario y e bala ta bai gol. Cu un autogol pues e partido a empatar na 2-2. Poco despues Eddy Gomez ta pone peligroso shot lastra cu ta sali na banda raskando casi cu e tubo di gol.

Un bon atake di Aruba Jrs den di 32 minuit ta resulta peligroso pero no ta tresa anotacion. Keeper Robles a sali pa intercepta un pase halto sin logra tene e bala. Ta sigui un pase pa Juan Kemp, kende apesar cu e gol ta bashi no ta provecha e cheas door di shot mesora y ta tarda net basta na luego perde e bala. E partido ta cuba cu e score di 2-2.

Tabata un partido hopi movi cu suficiente momento interesante di ambos banda. Aruba Jrs den su ultimo atake di e promer rond a logra obtene un punto y realmente a hunza un di su mihor weganan di e campeonato actual. Cu e resultado aki talvez nan hunga e segundo rond cu mas entusiasmo ainda.

A.T.S. CAMPEON FUTBOL ESCOLAR „A“

(Di nos redactor Deportivo) Diamars anochi den Wilhelminstadion e oncen di Arubaanse Technische School a titula campeon di futbol escolar clase A. Pa obtene esaki nan tabata tin basta cu un empate di un gol pa banda contra di e team di Juliana school e anochi ey.

Den e division A a wordo hunga un dia promer e partido entre St. Augustinus College y La Salle College, cual a wordo gana door di St. Augustinus cu score di 6 pa 1. Y di e campeonato B. A.T.S. di San Nicolas a obtene triunfo di 10-0 riba Commandeur Pieter Boerschool.

Den e division A. ta posibel cu surgi un empate pa e puesto di subcampeon entre Julianaschool y La Salleschool. Ta depende di e resultado di e encuentro diasabra awor entre Julianaschool y St. Augustinus College. Si e muchanan di Juliana resulta vencedor anio lo tin un empate den e segundo puesto manera ya nos a menciona.

AGENDA

CINE

Diasuebs 28 november 1963 DE VEER 8:30 p.m.: „A Raisin in the Sun“ 18 J RIALTO 8 p.m.: „The Terror of the Tongs“ 18 J PRINCIPAL 8 p.m.: „Alls Kind of Woman“ and „Suspicion“ 18 J AURORA 8 p.m.: „Frankenstein 1970“ 18 J SAVANETA 8 p.m.: „Un Bazo de Luz“ 811

BOTICANAN DI WARDA Oranjestad, Bolica Oduber tel. 1780 San Nicolas, Bolica San Lucas tel. 3119 DOKTERNAN DI WARDA Oranjestad-Noord: Dr. C. v.d. Bilt San Nic-Sta. Cruz-Sav.: Dr. J.G.M. Janssen

WIT GEE KRUIS Oranjestad: Zr. Ewald San Nicolas: Zr. Perpetua Santa Cruz Zr. Ludovic

LUCHTPOSTSLUITINGEN Diasuebs

Angulla 8:30, Antigua 8:30, Argentina 15:30, Bolivia 15:30, Bonaire 11:00, Brazil 15:30, Br. Guyana 8:30, Canada 8:30, Chile 15:30, Colombia 15:30, Costa Rica 15:30, Cuba 15:30, Curaçao (11:00-10:00), Ecuador Guayaquil 8:30, Guatemala 15:30, Haiti 8:30, Honduras 15:30, Jamaica 15:30, Martinique 8:30, Mexico 15:30, Montserrat 8:30, U.S.A. Miami 15:30, New York 8:30, Nevis 10:00, Nicaragua 15:30, Panama 15:30, Paraguay 15:30, Peru 15:30, Puerto Rico 8:30, Rep. Dominicana 8:30, St. Kitts 16:00, St. Maarten enz. 16:00, Suriname 8:30, Trinidad enz. Uruguay 15:30, Venezuela: Caracas enz. 11:00, Maracaibo — Atencion: Cerametu di cartanan registra ta un ora prome cu di post.

Personanan di bon gusto ta prefera entre e mehoran E MEHORI



REY DE COPAS ARUBA DISTILLING COMPANY Wilhelminastr. 47 — Tel. 1266

TELE-ARUBA

Diasuebs 28 november 1963 05:30 Cartoons 06:00 Industry on Parade 06:30 Corliss Archer 06:45 Papamentu Newscast Live & Filmnews 07:00 Sea Hunt 07:30 Sports News 07:45 Tombstone Territory 08:15 Homeymoments 08:45 English Newscast Live & Filmnews 09:00 Ben Casey 10:00 Sign off. RADIO CARACAS TELEVISION Diasuebs 28 november 1963 8:45 Senderos de luz 9:00 Caja con sorpresas 9:30 Jardin de Infancia 10:00 Juegos por T.V. 10:15 Programa de Cecilia Martinus 11:15 Supermercado al aire 11:45 Novela 12:00 Show de Sauma 12:30 Jefatura 87 13:00 Noticias 13:05 Cont. Show de Sauma 13:15 Se necesita una amiga 13:35 Novela

14:00 Punto y aparte 14:30 Yo se lo vendo 14:50 Estudio de licotr Monteverde 15:30 Perfecta ama de casa 16:00 Aventura Popeye y Yoyo 16:30 Mojias y machachos 17:00 Tio Tac Too 17:30 Pelicula 17:55 Noticias 18:00 World news 18:00 Teleatletico 18:30 Dragmet 20:00 Observador 20:15 Novela 21:00 Un matrimonio perfecto 21:30 Esta noche Balo 22:30 Noticias

RADIO VICTORIA

Diasuebs 28 november 1963 A.M. 9:00 Apertura 9:05 Ultimas noticias 9:15 E Bijbel habri 9:30 Gimnasia 10:00 World news 10:10 The Bible for you 10:15 Radio revival 10:45 Through the home 11:00 Chapel of the air 11:15 Novela 11:30 Melodias di merdia P.M. 12:00 Ultimas noticias 12:15 Musica agrade 12:30 World news 12:45 Quiet time 1:00 Radio concert hall 2:00 Reading room 2:15 Songs of zion 2:30 Quiet hour 2:45 Exámenes musicales 3:15 Melodias del alma 3:30 Prosa y poesia 4:00 Musica di banda 4:15 Ultimas noticias 4:30 Cafe con music 4:45 Noticias na Spanjo 5:00 Academia del aire 5:15 Palabranan di bida 5:30 Musica para la cena 6:00 Ultimas noticias 6:30 Interfudo musicale 6:45 Noticias de Caracas 7:00 Fun with music 7:15 Sacred Songs 7:30 Musical Interlude 8:00 World news 8:15 Off the record 8:30 Back to the Bible 8:45 Musica de America 9:30 Songs in the night 10:00 World news 10:15 Mestiske muziek 11:00 Sign off.

RADIO ANTILIANA

Diasuebs 28 november 1963 06:00 Apertura 06:10 News in English 06:15 Musica de Aruba 06:45 Te 7:45 am. Bai trabao den compr. di bo companjero constante Radio Antillana 07:10 News in English 07:30 Noticias na Papamentu 07:45 Noticias musicales 08:30 Musica varia 09:15 Programa pa amanan di cas 11:15 Regio musical 12:00 Melodias Antillanas 12:15 Noticias na Papamentu 12:25 Melodias Antillanas 12:45 Charta deportiva 01:00 North American music 02:00 Album di recuerdo 02:30 Boletines romancescos 03:00 Festival musical 03:30 Programa papamentan den hospital 04:00 Programa „La Esperanza“ 04:30 Peticiones 05:00 Noticias na Papamentu 05:15 Calypsona 05:30 Calendario Antilliano 05:45 Musica varia 06:00 Charta deportiva 06:15 Musica Norte Americana 06:30 News in English 06:45 Variedad musical 07:00 Felicitaciones y complacencias 08:30 Apostolado del aire 09:00 Musica Latina 09:15 Musica varia 09:30 Antoranzas 10:20 Resumen di noticianan 10:30 Variacion musical 11:00 Melodias y Romance musical 12:00 Clausura.

RADIO KELKBOOM

Diasuebs 28 november 1963 7:00 Opening 7:02 Bon dia cu alegria (Instrumental) 7:30 Musica na Papamentu 8:00 Selection musical cu discopan Latino Americano 8:30 Cumpleanjos feliz 9:00 Noticianan local 9:15 Musica varia 9:30 Melodias instrumentales 10:00 Noticianan internacjonal 10:05 Ritmos Latinos 10:30 Programa di N. Habibe Jr. 11:00 Noticianan internacjonal 11:05 Musica Norte Americana 11:15 Control Central 11:30 Musica varia 11:45 Noticianan internacjonal 12:20 Noticianan local 12:45 Noticianan local 01:00 Musica varia 01:30 Mei ora cu boleros 02:00 Novela (trepicion) 02:30 Peticiones 03:00 Twist 03:15 Merengues 03:30 Calypso 03:45 La Macorisana y Internacjonal Supermarket 04:00 Musica na labor Azteca 04:30 Noticianan local 04:45 Control musical 05:00 Danzones Cubanos 05:15 Musica varia 06:00 Noticianan deportivo 06:15 Musica varia 06:30 Musica para la cena 07:00 Noticianan internacjonal na Papamentu 07:15 Musica Europeo 07:45 Musica Norte Americana 08:15 Novela (Vida Robada) 08:45 Musica varia 09:00 C.C.A. 10:00 Situacion.

No Lubida.

Advertisement for Sinterklaas featuring a cartoon character and the text 'CU FIESTA DI SINTERKLAAS TA DEN CURPA... Duna un regalo util, duna un regalo electrico!' with a 'ELMAR' logo.

Advertisement for Sherwin Williams Super-Kem-Ton paint, featuring a can of paint and the text 'AWOR! PROMER CU PASCU YEGA! Den dianan di fiesta tur hende kier pa nan cas mustra lo mas bunita posibel. P'esei, ser sigur cu bo cas lo wordo gevef cu e famoso pintura Latex di SHERWIN WILLIAMS. Aruba Trading Company Weststraat 15 — Tel. 1930'

EPITA pa cortesia di: Antillian Hardware Co

Comic strip titled 'E mehior adres pa VERF, KWASHI, TUR CLASE DI HERMENT, articulos sanitario.' showing a man vacuuming and another man talking about cleaning products.

DICK TRACY

Comic strip titled 'DICK TRACY' showing a man in a hat and trench coat in various scenes.

RIP KIRBY JAN BODEGOM & CO (Aruba) N.V. TEL. 1284 — 1402

Advertisement for Maxwell House Koffie featuring a woman and the text 'ingente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE' and 'UN AMIGO ME ENSENO LA CLAVE MORSE Y ME DIVERTIA CON ELLA SIN PENSAR.'

DESEO PA BO AMOR

Brigita a tuma un sigaria nobo. Eugenio ta ofrese candela. —E cos mas simpel lo ta... Brigita ta bisa, cu bo spikie tur cos. Pero mi ta supone, cu bo no kier tende nada di e proposicion aki... —No, Brigita, mi tin mucho herguezna... —Bo tin herguezna anto, e ta constata frankil. Bo lo tin mesun herguezna si bo relacion cu Jacinta Krusio lo a desarolla su mes di un otro manera. ehey kier meen si en herdad bo lo por a didi pa escoge como esposa pa lugar di bo rumen? Bo lo a sinti herguezna pa mi tambe, Eugenio? —Mi sa kiko bo kier meen cu esey, Brigita, e ta contesta. Y sigur mi tabata un canalla. E ta lamenta para di repente y ta prepara pa sali bai. Ayo Brigita, mi a haci tur cos malu. Quizas e calor di Brasil a danja mi caracter. Antes semper mi tabata masha correcto cu e asuntunan ey. Eugenio Krusio ta bisa su schouder mientras cu e ta papia. —Bon anto... e ta bisa na final, mi por a sa di antemano. Naturalmente bo tin razon Brigita. Lastima-

masha bon, cu bo no kier haci uso di dje. Anto tin un otro posibilidad ainda: bo ta sali bai y escribi un carta pa splica henter e asunto... —E ora e ta bira malu, e ta opina. —Ay, bo ta stima ainda, Eugenio? e ta puntra liber. —Ay, esey no... E ta mi cumja, esposa di mi rumen tromber... —E ta bo esposa, Eugenio. Brigita ta coregi. Of a lo menos e ta kere cu e ta... Pero laga esey! Bo kier mi bai serca dje? —Brigita e ta grita spanta. —Pakiko no anto? Mi lo haci e pa amor pa bo, Eugenio. Y bo por ta sigur cu mi lo hanja e palabranan correcto... Of bo lo mister a tubida pakiko bo a bini serca mi awe. —Nunca bo lo no culpa mi despues, Brigita e ta puntra. —Stop cu e locura ey awor! Bo tin tabatin ningun compromiso cu mi. El a lamia para y a bini pega cu su stil. Eugenio ta waak'e. Manera un mucha grandi su cabez ta drumi pega cu su heup. Brigita ta caricia su cabez suavemente. —Nos lo no forza nada, Eugenio e ta bisa cu su voz tierno. Den e dos simannan vendidero nos ta eha cu e asunto. Mi tin un bon amigu, un abogado. Mi lo papia cune. Quizas ta mihor pa nos duna e asunto den man di un abogado... —Y ayo Brigita? e ta puntra. Con ta cu bo mes? Mi tin mag, ora cu tur cos ta soluciona, bini serca bo y puntra pa bo...? —Pesey mi kier juda bo awor Eugenio. Of quizas bo a kere cu ta duele di bo mi tin...? E ta companje te na parada di bus. —Bon te majan, anto Eugenio! —Te majan, Brigita! Te majan! (E ta sigui)

Apreciable lectornan:

CON BOSO TA HAYA E SIGUIENTE RECETA! UN PLATO SABROSO!!

Kool cu rellen di Aroz (Pastechi) pa 12 pida di mas.

Prepara den un weja 2 cuchara di manteca, siboyo, tomate, capers...

Por di un kool grandi herbe, kita e blanchinan mas grandi warda...

Den un otro weja pone e awa cu e kool a herbe aden y un siboyo serca...

Cu e receta aki Sra. Angelica Kelkboom di Nassaustraat 82 di 171 Oranjestad...

NAN A SACA VICTIMANAN FOR DI MINA LENGEDE

HANNOVER, 28 nov. — Un equipo di rescate ayera a hana den mina di herra "Muthilde"...

Nan a hanja e tres victimanan aki na profundidad di 70 meter. Nan ta supone cu e awa a sorpreta e minero...

Novolny serca Chroesjef

MOSCU, 28 november. — Premier Chroesjef y presidente Novolny di Checoslovakia a yega na un acuerdo...

E entrevista entre e dos lidernan, cu tabata compania pa nan minister...

E joyero Asscher di Amsterdam a cumpra corona di Andes pa 550.000 florin...

Atentado riba minister Robert Kennedy?

WASHINGTON, 28 nov. — Autayera nan a mira riba dak di un edificio...

Un guardia di un edificio di gobierno David Randall, a mira e humber...

REUNION DI CONSIDIO

CIUDAD DEL VATICANO, 28 nov. — Na e reunion di concilio di ayera nan a insisti...

Monseigneur Hengsbach di Alemania a muestra tambe riba e problema di e...

Cardinal Gracias di Bombay a propone pa pidi Papa pa laga e siguiente...

VENTA DI MAINSHI MERICANO NA O-EUROPA

WASHINGTON, 28 nov. — E comision di banco for di Senado Mericano...

Nan ta considera resultado di e votacion como un triunfo pa e gobierno...

nan a signata un humber riba dak. Polis tin idea di laga lista e edificio...

Un ambiente di e oficina di belasting a bisa despues, cu polis a stipula...

GOBIERNO ALEMAN TIN CONFIANZA DEN JOHNSON

BONN, 28 november. — Gobierno di Alemania West tin confianza completo...

IRAN TA PROTESTA CERCA RUSIA

TEHERAN, 28 nov. — Iran, segun un anuncio di e ministerio di exterior...

Den e protesta, cu nan a manda pa e embajada Ruso Sovietico na Teheran...


Investigacion na Texas

WASHINGTON, 28 nov. — Procurador general di Texas, Wagner Carr...

Nan lo mande pa ministerio di Justicia, segun Carr.

E comision lo wordu forma di colaboradornan cercano di Carr y autoridat...

Un corresponsal di agencia Frances di prensa A.F.P. ta duda, si polis na Dallas...



CUBA NO A ADMITI LEE HARVEY OSWALD

MIAMI, 28 november. — Radio Havana a anuncia ayera noch cu autoridad Cubano...

Radio Havana a bisa, cu e declaracion oficial aki a worde saca en relacion...

Actualmente Merca tin 2.600.000 humber hao di arma. Mas cu 600.000 militar...

PROCESO DI SABOTAHE NA PRETORIA

PRETORIA, 28 nov. — Juez den e proceso di sabotahe na Pretoria...

E keho di defensa cu nan no ta pone acusadonan hon na altura di detalle...

clusion cu el a actua di tal forma pasombra e ta un comunista.

Jamas el a investiga pa mira si tabatin mas complice. Despues cu Ruby...

TATA DI KENNEDY NO TABATA NA ENTIERRO

HYANNISPORT, 28 november. — Tata di defunto presidente John Fitzgerald Kennedy...

JACK RUBY DEN ESTADO DI ACUSACION

DALLAS, 28 november. — Jack Ruby, cu diadomingo a mata Lee Harvey Oswald...

Defensor di Ruby, Tom Howard, a agrega, cu su cliente ora cu el a comete...

Ta probable, cu nan lo aplaza e proceso pa un otro fecha.

Fiscal Henry Wade ya a anuncia cu e lo exigí pena di morto contra Ruby...



Bisti den "estilo Continental" usa panja di abau cu ta sinta bon...

Bra 73 di e coleccion di Formfit ta yuda bo figura, di e famoso Italiano Emilio Pucci...

E corset popular VIVA naturalmente ta aumenta bo gracia femenina.

Esakinan y hopi otro modelo di panja interior ta obtenibel na bo tienda.

DISTRIBUIDOR: ARUBA TRADING COMPANY NASSAUSTRAT

BO HOROSCOPO PERSONAL

ARIES 21 Maart — 20 April

Haci bon uso di bo tempo y cumpli debidamente e cu bo debernan...

TAURUS 21 April — 20 Mei

Balota headenan pa loke nan bal y no pa loke bo traspasa...

GEMINI 21 Mei — 20 Jun

Concentra bo mes riba loke mester worde haci...

CANCER 21 Jun — 22 Jul

No laga nan viola bo derechonan pero tampoco eherce critico inhusto...

LEO 23 Jul — 22 Augustus

Domina bo emocionnan apesar cu nan ta busca bo pa rabia...

VIRGO 23 Augustus — 22 September

Bo mester trata pa busca mas armonia den bo relacionnan...

LIBRA 23 September — 23 October

Traha un balans di bo situacion financiero y waak kiko bo por haci...

SCORPIO 23 October — 22 November

Dedica atencion na bo apariencia y bo comportacion...

SAGITARIUS 23 November — 21 December

Inventa algu nobo si e caminda normal ta imposible...

CAPRICORNIUS 22 December — 19 Januari

Amigunan lo mustran nan caracter berdadero y juda bo awor...

ACUARIUS 20 Januari — 18 Februari

Trata pa duna bo mes cuenta di e posicion cu bo tin awor...

PISCES 19 Februari — 20 Maart

Acanto ta cai riba futuro y plannan cu bo ta traha...

CANDELANAN GRANDI NA VENEZUELA

CARACAS, 28 nov. — Miembronan di e forzanan nacional extremista...

E representante di un di e companianan aki a bisa, cu e sabotahe aki a paralisar henter produccion...

BUCHI ROBEZ

presenta pa cortesía di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas

